

宋

會

要

全唐文

續宋會要

寄案徐輯開戶部其屬官見此

兩朝國史志度支判司事一人以無職事朝官充凡調度之費皆歸於三司本司無所掌元豐官制行郎中員外郎始實行本司事

續宋會要

兩朝國史志金部判司事一人以無職事朝官充凡庫藏出納之節金寶財貨之用皆歸於三司而權衡度量之制主於太府寺本司無所掌元豐官制行郎中員外郎始實行本司事

續宋會要

兩朝國史志倉部判司一人以無職事朝官充凡倉廩  
受納租稅出給祿廩之事皆歸於三司而別置提點倉  
場官以督察之本司無所掌元豐官制行郎中員外郎  
始實行本司事

全唐文

宋會要 總制司

高宗紹興五年閏二月二十五日參知政事孟庾言準  
敕差提領措置財用乞以總制司爲名令禮部下文思  
院鑄印一面以總制司印四字爲文行移取索文字並  
乞依三省體式應本司措置事務依例進呈得旨并關  
申尚書省總制司乞專一檢察內外官司應干錢物隱  
漏失陷侵欺違欠之類並從本司一面擬定取旨行下  
仍申尚書省其利害明白事體稍重今從宜更改應內  
外主管財計官吏遇有員闕及不堪倚仗之人並乞依  
聖調與宰執商議施行行在并諸路州軍及內外諸軍

合用錢物糧斛等從來係戶部與漕司應到自合依舊  
並從之五月十八日詔孟庾已除知樞密院事所有見  
兼總制司自合依舊七月八日詔叅知政事沈興求權  
行兼領總制司以孟庾除知紹興府故也六年三月  
四日詔沈興求已除知明州總制司官候三省別除執  
政官取旨

此係重文  
見祠部

籍給剃度受戒文牒而已元豐改制郎中自外郎始實  
行本司事

續宋會要

清本已結  
校過

兩朝國史志膳部判司事一人以無職事朝官充凡供  
御之膳羞肉外饗餼隸御厨以它官勾當陵廟牲豆酒  
膳諸司供奉口味親王以下常食料皆分領它司本司  
無所掌元豐改制郎中員外郎始實行本司事

宋會要

兩朝國史志職方判司事一人以無職事朝官充凡城  
隍鎮戍烽候防人道路逐近四夷歸化皆不與聞本司  
但受諸州閭年圖及圖經而已

已補入  
此當校  
補入

續宋會要

兩朝國史志駕部判司事一人以無職事朝官充興華  
 車乘隸於大僕傳驛給受一出於樞密院旣收之政總  
 於群牧司本司無所掌元豐改制郎中負外郎始實行  
 本司事神宗正史職官志見宋史建炎三年以駕部兼庫部復併太  
 僕寺歸駕部紹興元年復裁內外官於是駕部又當省  
 而即適貨讀王府而詔聽留需其違勿補厥後間或一  
 置而一貢之制定矣

續宋會要

兩朝國史志庫部判司事一人以無職事朝官充凡戎  
 器分藏內藏庫及軍器庫以它官及侍典領鹵簿儀仗

歸提舉  
 在京諸  
 司庫務司

宋會要

禮部

主都省集議奏狀百官名表補奏太廟內廷  
室長掌生出給補官州表瑞太廟內廷  
科舉人兩名表印每百官拜表瑞太廟內廷  
員主判官凡兩朝儀史制禮部判用事以  
職朝官充舉禮儀之事悉歸於太常寺  
領於知貢舉官凡禮部舉人常禮院而  
郎所掌外掌生印都省集議掌制科舉人  
制所掌外掌生印都省集議掌制科舉人  
行四司事分職官有志而兼官領人  
會司事分職官有志而兼官領人  
壇上諸司事分職官有志而兼官領人  
聖賜物凡元張燈祠祭樂人  
及請進史官賜之曰有書舉學之  
右宗室公主親王諸妃以書上之  
所轄官文帳皆屬之封冊表  
冊禮命章服冠履之表行法掌編  
圖書祥瑞屬之表行法掌編  
請納等皆屬之表行法掌編

卷一百一十五



法又有知雜開折吏額主事一人通稱曰守分禮部主膳  
四司書令史守當官共二十七人  
三人貼司十二人太真宗咸平六年七月判禮部盛玄  
常寺國子監隸焉  
言按唐六典禮部內外百官皆給銅印一紐今禮部給  
印不獨百司應節度觀察防禦團練刺已上並給隨身  
牌印一副或因官改罷或坐事除免元給牌印多不送  
納事無關決理難追收乞今後應請牌印官有改移替  
免即御史臺具名牒報禮部置簿追納又按敕應新舊  
牌印於都省廳置櫃封鎖輪差人吏守宿本司雖敕文  
即未施行尋勒本省令史其所管印記點檢入櫃合有  
專典主持雖是輪差吏人終不專一況所管牌印自南  
郊五使諸王節度使以下刺史已上所干不少或因事

立名或垂久為制動繫軍旅場務儻守掌不勤姦濫竊發繩愆按罪法實非輕按六典禮部有掌固八人掌固者掌其因歲之謂乞依祠部朱紅錢專知官一人逐季造帳拘收每赴省請納牌印即令史行按關刺專知官據數給納入帳從之 大中祥符五年九月詔寺院宮觀士庶之家所用私記今後並方一寸雕木為文不得私鑄 六年七月詔今後應齋郎禮部給補牒即赴太常寺祇應祠祭如年幼隨父兄出外亦須具奏聽裁如遇恩故選須曾赴寺公參祇應三次祠祭即許投狀餘不在援恩放選之例 仁宗慶厯三年十二月詔詳定諸祥瑞不許進獻聽申尚書禮部知嘉祐六年十一月

卷一百一十五

二十七日知宗正丞事趙慎微等言乞下禮部根例見  
今未參選太廟室長齋郎闕送當寺準備五饗俸俎行  
事仍乞今後禮部方給補牌充太廟室長齋郎者畫時  
具姓名關報本寺其在京者即仰隨牒赴寺公參從之  
神宗正史職官志尚書禮部掌禮樂祭祀朝會燕饗學  
校貢舉冊寶印記圖書表疏及祥瑞之事凡禮樂有所  
損益小事則同太常寺大事則集侍從或百官議定以  
聞若有事於南北郊明堂籍田禘祫太廟薦饗景靈宮  
酌獻陵園及行朝貢慶賀宴樂之禮則承詔舉其儀物  
前期戒有司辦具即上册寶及封冊禮命亦如之凡天  
下選士具注於籍至三歲貢舉則考驗無冒濫乃聽預

試凡大禮生辰后妃親王以下所推之恩公主下嫁宗  
室冠婚喪葬之制及賜旌節章服冠帔旌表孝行之法  
例皆主行之大祥瑞則朔參官詣閣門表賀餘於歲終  
條奏凡其屬有三曰祠部禮典暨政道釋祠廟之事隸  
焉曰主客蕃國朝貢及契丹國信禮物之事隸焉曰膳  
部牲酒膳羞宴設給賜之事隸焉凡官十尚書侍郎各  
一人四司郎中員外郎各二人哲宗職志同尚書掌禮樂祭  
享貢舉之政令而侍郎為之貳郎中員外郎叅領之凡  
講議制度損益儀物則審覆有司所上之狀以次諮決  
而質於尚書省祠膳主客所治事應上請者亦如之大  
祀則尚書同省牲視滌濯薦饌則奉籩豆簋簋及飲福

徽之朝會則奏蕃國貢物齋戒晨裸禮畢則侍郎奏中  
嚴外辦進熟望燎則郎中奏解嚴分案十設吏三十有  
五神宗熙寧三年十一月二十一日詔貢院聽期喪滿  
三月者應舉時因大臣言應制舉和彥以養五年四月  
二十四日中書言錄事黃九章狀乞下禮部今後應有  
敕下本部合補齋郎之人候敕到日便仰勘會本家所  
在州軍先行告示知委詔付禮部施行九月二十二日  
詔禮部每旬中已納未收奉使印今後每季申樞密院  
從承旨司之請也 十年六月二十一日詔今後禮部  
主判即兼領祠部主客膳部禮部貢院其兼領去處自  
合依條例管勾所有主簿亦合準此從中書禮房所定

也 元豐五年四月二十四日通議大夫知潭州新除  
守戶部侍郎謝景溫改守禮部侍郎正卿自是始 七  
月八日詔譯經潤文並罷自今令禮部尚書領之廢譯  
經使司印 六年閏六月十四日尚書禮部言舊制貢  
院專掌貢舉其印章曰禮部貢院之印遇鑄試則知舉  
官總領昨廢貢院毀舊印以其事歸禮部準格遇科場  
牒印并公事伏緣本部分曹治事凡十有五貢舉乃其  
一事若遇鑄試牒印即他曹事實有闕乞別鑄部貢舉  
之印從之 七年五月二十七日尚書禮部乞六曹於  
隸寺監寺監於所隸司局各許抽摘點檢稽違者稱事  
書罰或上簿上下半年各取索點檢從之 哲宗元祐

元年六月二十六日禮部言應頒索官物合自下應副  
及有旨更不覆奏者行訖並乞奏審隨事降付三省樞  
密院照據從之 七月六日禮部言祠祭官致齋在本  
司及祠宮內與同局及同行事官相見當物用謁禁從  
之 五年十月七日禮部言降送到空名假承務郎州  
助教教齋郎補牒以千字文為號印記發下所屬官司  
仍具注給降事因去處候申到給訖因依即行銷注應  
敕牒並置籍拘管以事因注簿訖闕送吏部即行銷簿  
應敕牒不得下司當職官畫時交點道數實封印押收  
掌出榜名人進納當職官躬親書填給付具姓名鄉貫  
三代年甲字號及年月因依并見在道數申吏部應敕

牒如客人收販賣者指定所詣州每道給公據照牒以  
字為合同號印押其照牒實封入遞教牒付客人召合  
進給人承買經州投狀依上法勘驗書填給付其照牒  
公據批鑿毀抹訖限兩日具姓名鄉貫三代年甲教牒  
上字號報元承受處從之 六年正月十二日詔自今  
祠祭游幸每用羔羊從禮部請也 四月二十二日禮  
部言每歲晏賞共合用羊乳房約四百五十餘斤泛索  
不在其數所用不急而傷生致衆深可惻也請依羊羔  
例罷供以他物代從之 徽宗政和六年三月二十八  
日常州荆曹翁彥約奏竊以國家天覆萬國化行方外  
梯航輻湊史不絕書承平奕葉神聖作興禮備樂成德



洋恩普聲教所暨固已襲冠遣子弟睽然大變其俗至  
於遐陬殊裔阻險遠深三代所不能臣漢唐所不能服  
莫不嚮風馳義重譯來賓觀其輶轡服飾之瓌奇名稱  
狀貌之詭異多所未載今其圖畫衣章藏在部歲月寢  
久宜命有司編集成書如周家王會之篇以見中國至  
仁勦太平之高致誠天下之偉觀也詔令禮部逐旋編  
集宣和四年五月二日禮部奏承吏部關朝散郎許堯  
夫狀昨在杭州居住因兇賊侵犯州城去失告救等數  
內賜緋魚袋敕一道不屬本部關請勘合今來吏部關  
到許堯夫去失賜緋魚袋敕牒緣本部即無許出給公  
據專一條法未敢便依吏部條法本部出給公據伏乞

朝廷詳酌指揮如許令本部依吏部條法出公據亦乞  
應江東兩浙被賊州軍更有官員去失服色敕牒令所  
屬保奏依此施行詔令禮部出給公據餘依本部所申  
高宗建炎三年四月十三日詔禮部郎官一員兼主客  
同日詔禮部吏人減半同日詔鴻臚寺國子監并歸  
禮部五月十九日光祿寺併歸禮部以並罷寺監也  
紹興二十一年詔禮部貢舉案許於省試前一年六月  
一日添差手分五人貼司三人通本案人吏行遣其當  
行職級二人并本案及添差到手分貼司各八人於見  
請外每人每日各添破別給錢二百文內貼司減半不  
理為次數於本曹四司職級手分貼司內選差並罷身

分文字以次人承權及自六月一日許添支夾表連紙  
各一千張於國子監息錢內收買應副內別給錢條自  
十月一日起支並至唱名了日住罷 二十八年二月  
四日詔先降使人到關樂語詞曲令學士院同禮部官  
看詳指揮更不施行所有郊廟樂章先令禮部等處看  
詳改撰訖付學士院看詳改撰進呈降下付所屬學士  
院修撰潤色使人到關應合用樂語詞曲紹興十六年  
五月見樂語詞曲於學士院取索不得應乞降旨同共  
看詳自當年每遇天申節合用筵宴樂語朝延循習作  
是學士院王綸有請故有是命紹興三十二年位未改  
元十月十日詔禮部四司主事令史承闢書令史各減  
一年出官該遇皇帝登寶之故也 孝宗隆興元年二

月二十一日詔今舉諸科進士務取學術深淳文詞剴切策畫優長之人可令禮部將省試上十名策卷編類繕寫成冊投進以備親覽如有可行事件當下三省取旨施行直上初即位從諫如流求七月二十六日詔六部長貳除尚書不常置外禮部侍郎置一員禮部祠部郎官一員兼領從右諫議大夫大寶等請也 八月三日禮部言依指揮條具併省吏額本部四司通額遷補見管主事一名令史一名書令史九人守當官四人貼司一十二人私名三人祠部主事一名令史二人守當官九人貼司七人私名六人主客令史一名守當官二人貼司一名膳部主事一名兼主客主事令史一名守當

官三人貼司二名今減正貼司八人入額私名四人其減下人依名挨排候將來見闕日却依名次並從上撥填詔並依見在人且令依舊將來遇闕更不遭補乾道元年十二月二十六日中書門下省言近年士人公然受賂冒名入試致令切取解名亦有登科者今省試在近理宜禁戢詔應令人代名及為人冒名赴省試者各計所受財依條坐罪外並真決編配千里外州軍同保知情人依條永不得應舉如士人告獲與免一名名解諸色人告獲支給賞錢三百貫餘依見行條法施行仍令尚書省出榜曉諭二年六月五日禮部侍郎周執羔言本部得旨討論典禮者詳集議臣僚奏請改更

法令緣渡江之後案牘不存及累遭延火燒毀案牘無  
憑檢照欲乞遇有討論者詳集議事除禮部已有干  
照外所有自元符三年至宣和七年有徽宗皇帝詔旨  
措置條法欲具事目取會國史院自建炎元年至紹興  
三十二年有太上皇帝詔旨措置條法欲具事目取會  
國史日歷所伏乞許人逐處檢照回報亦許本部差人  
前去計會抄錄從之 五年三月二十九日詔令尚書  
省將不赴唱名舉人楊子方等六人敕降付禮部收掌  
候逐人痊安日各召保官二員當官給付 六年五月  
四日禮部言依旨揮條具併省吏額勘會四司通額遷  
補目今見管六十一名為額今欲減罷書令史二人守

貢院

當官五人正貼司五人有請私名二人楷書二人通以  
四十五人為額詔依各從下裁減將來見闕日依名次  
撥填其減下人願以條比換名目者聽二十四日詔天  
申聖節齋筵禮部檢察樂次官主令等並不支破御厨  
喫食今後准此 七年正月十日禮部言近引保竊見  
進士命名有上同翼祖者雖文字之間不諱祧廟若遽  
以為名則有未安欲望特降指揮許之更易并其他立  
名言理乞從本部告示改正明示四方使士人通知從  
之

掌受諸州解送九經五經進士通禮三禮三傳毛詩尚  
書學究名法之名籍及家保狀大卷考驗戶貫舉數年

凡者注大  
典卷一萬四  
千六百五十九  
又餘輯不著  
卷數大典同

幾而藏之以朝官一員主判若遣官知貢舉即主判官  
罷舉事畢復別遣官主判事具真宗景德四年十月翰  
林學士晁迥等上考試進士新格詔曰甲乙設科文章  
取士眷惟較藝素有常規特用申明幸加刊定既遵程  
式免誤學徒庶敷獎善之懷以廣至公之道宜令崇文  
院雕印送禮部貢院頒行大中祥符八年四月詔兵  
部侍郎趙安仁詳定權知貢舉起請事件與陳彭年等  
編入貢院條制仁宗天聖八年正月貢院言自來都  
省於諸司內差三人與手分同發遣祇應今緣舉人稍  
多欲乞更差有行止能書劉二人同并祇應從之慶  
曆五年三月詔禮部貢院增天下解額是月詔禮部貢



院進士所試詞賦諸科所對經義如舊制考校先是

而家等所定科場新制既神宗治平二年正月二十七

日詔貢院如南省放榜故事合格者以名聞俟敕下乃

放榜。熙寧三年十一月二十一日詔貢院聽期喪滿

三月者應舉時因大臣言應制舉陳知彥以清高宗紹

興五年七月十七日詔令今次省試舉人降合取人數

外特更取十名有官鑠應宗子零分特更取一名。十

二年二月四日詔貢院合避親人內係孤經人止令就

貢院與同經人一處收試止避所避之官令過落司送

別位考校。十八年二月五日有詔省試舉人計囑應試

人換卷代筆起草并書真卷或冒名就試或假手程文

自外傳入就納卷處謄寫除依條許人并就試舉人告  
捉犯人從貢院先送所司申朝廷重作施行及告獲人  
優與推賞外內士人該賞取旨補官仍賜出身從禮部  
請也。二十年九月十二日侍御史曹筠言近來省試  
多以私意取專門之學至有一州而取數十人士子怨  
怒不無遺才之歎望下試院使知德意仍令監察御史  
出院日彈劾從之。二十一年二月二日殿中侍御史  
湯允恭言切聞前次省闈就試之士或有馮藉多貨家  
相賄賂傳義假筆預為晏會期約凡六七人共撰一名  
程文立為高價至數千緡僥冒苟得欲占異等寒苦之  
士雖懷材抱藝豈能與數人所撰較優劣於一日之間

徒為忿懣歎恨而已。詔令禮部嚴行禁止。許同試舉人  
陳告取旨免省。二十六年三月十九日詔。今後省試  
太學國子監公試發解及銓試刑法令國子監印造禮  
部韻略刑統律文。紹興敕令格式。並從官給。先是上謂  
來舉人許帶禮部韻畧入試院。致有司難以檢察。自今  
可令國子監多印造韻畧。並從官給。庶幾快之。與可  
詳審灼見。其源如此。敢不謹遵聖訓。故有是命。可二十  
二日宰執進呈類試院人吏兵士邀阻赴試人乞取錢  
物。上曰。此豈可不治。近日聞試院中整肅。士人極喜。自  
此有實學者進而寒畯之士。伸偽濫苟得者革。而僥倖  
之風息矣。上又曰。祖宗貢舉之法。無不周備。顧有司奉  
行之如何耳。可令類試所嚴行禁止。仍令禮部立法。既

教令所修到法諸貢院人吏收接試卷把門兵級執將赴試人  
進阻一不即放重二  
者自秋從重之  
者自秋從重之  
各自務修治之  
之自務修治之  
後茂慶以好以承休德於求賢以協濟事切而當時之士亦  
成加策勛以好以承休德於求賢以協濟事切而當時之士亦  
每起戶名負以納所求而近年試逮至禮閣不遵巧圖謀是宜  
書代筆之義經環求種年狀實學之不為不惟負國家教  
育選舉之意兼使有素行員實學之不為不惟負國家教  
於此舉之望或失待之辱則責之深其出於禮則麗於法  
懷名檢之所全虧育自干於邦憲自今其出於禮則麗於法  
訓言無司覺祭御史臺糾劾以外聞當重其典司接察在必  
內令主司覺祭御史臺糾劾以外聞當重其典司接察在必  
行故知悉諭八月十六日宰執沈該等奏曰今次科舉  
想宜知悉諭八月十六日宰執沈該等奏曰今次科舉  
見已引試聞試院中甚嚴肅昨日有數人傳義者已依  
條施行如前日宗子善積懷挾亦令扶出示天下至公

自此科舉之弊當盡革去上宣諭曰朕於此事極留心  
異時宰執侍從皆由此途出若容冒濫所謂拔本塞源  
也該曰陛下於貢舉如此可謂知人材之所本矣○十  
一月二十六日詔考試除六經依條通融相補外其經  
義詩賦兩科合格人如有餘不足內詩賦不得侵取經  
義文理優長合格人有餘許將詩賦人材不足之數通  
融優取仍以十分為率不得過三分亮言切覓外郎王師  
士詞賦之科與經義並行取人之數初不相過比來學  
者俾試選革弊之嚴去屢取易競習詞賦罕有治經臣  
作備司國子博士每孟月課試學生治經甚少二禮經  
兩三人繼為國子發所黜官閱試學生九百人習  
經義者僅一二經乃絕無有故有是命○二十七年正月  
二十八日詔以見任兩省臺諫侍從以上有服親為權

要親族候放榜了日令禮部將過省合格人姓名取索  
有無上件服屬之人開具奏聞 二十八年四月二十  
六日詔應因懷挾殿舉並令實殿舉數不以赦恩原免  
如再犯永不得應舉。二十九年三月二十八日宰執  
進呈監試官監察御史沈樞奏乞少寬傳義之禁慮有  
不實上曰向來舉場縱弛太甚此奏若行又復前日之  
弊矣是在今日似為細事朕所以區區必欲禁止者無  
他以取士之原實在於此異時公卿大臣皆繇此途出  
其利害不為不重況挾書傳義類非佳士儻稍有實學  
知廉恥者必不肯為樞此奏蓋欲沽士人之譽爾臣該  
奏曰其間語言誠為過當乞更不施行從之。三十年

正月二十七日禮部貢院言本院引試有官鎖應宗子三十四人內一名公高治春秋條是孤經欲乞將公高試卷依公精加考校如文理優長即前期具合格真卷繳申尚書省取朝廷指揮如不合格從本院一面黜落如已後更有無官取應孤經之人亦依此一從孝宗隆興元年正月十四日右諫議大夫劉度言貢院為赴試人衆分作三場乞將赴試人不拘中外得解免解互相參雜只據經義詩賦人數通融相補分作三場混同考校從之。十六日詔禮部貢院比前舉取過人數共添取一百人。二十七日禮部貢院言去年覃恩免解進士共二千八百三十八人內有八百六十五人未來就

試欲乞於近降指揮增添一百人額內指留三十人充  
未到人合取之數從之。乾道二年二月十二日貢院  
申明有第三場策卷誤犯廟諱嫌名從口從休宰執洪  
适等奏曰前舉樓鑰誤犯廟諱舊名從人從庸得旨特  
與降充末等頭名上曰嫌名比舊名為輕可令依等第  
取放。五年正月十七日禮部貢院言進士避親依條  
牒送別試院收試如別試所牒還避親孤經之人許令  
止避所避之官就貢院收試互送別位依公精加考校  
其續到應有合避親之人與別試所發回孤經之人同  
經即從本院一面却行牒送別試所收試施行從之。

續會要

貢院



淳熙二年六月八月臣僚言貢院封彌勝錄兩處湏務  
謹密乃免泄漏所用貼司等人舊差省部寺監臨安府  
諸縣公吏可所顧惜近來皆是罷役游手人每遇考試  
占據代名有至二十年者內外結連作弊乞嚴作禁戒  
自今止許差省部寺監及臨安府諸縣見役公吏正名  
不得令邈年代名人入院乃不許兩處私相往來從之  
六年四月二十四日宰執進呈禮部狀乞修貢院上曰  
歲久不修恐致傾倒可令漕司修蓋趙雄等奏曰秦檜  
蓋造如貢院太學秘書省等大抵皆宏壯上曰秦檜亦  
有才若能公而無私便是賢相十一年二月十三日  
禮部貢院言逐舉省試開院後合造上十人進冊并副

本除已從例候開院了日計置修寫詔候開院日將上  
十人真卷先次進入十四年正月十九日臣僚言仰

惟國家三歲大比郡國俊秀咸試于禮部而事猶小有

未便而當革者謹具下項至一收幕不充壘分華收接及

要求為不終加留難擲棄地上至一收幕不充壘分華收接及

其指上度可容我舊見太學私試別院武舉多不足置油污及

安府解試亦多至封樞密院試其官先自秋外臨

籍錄各無綴失絕卑至利便乞下臨視封錄親數試其官先自秋外臨

五各口不綴失絕卑至利便乞下臨視封錄親數試其官先自秋外臨

監轉運司臨安府九縣科差夫一人皆錄人本非正身

老弱錄之殘疾所上兩旁毀壞文多卷每至錢米內催吏人減之反  
人錄日無夜抄寫精神困疲今多脫誤或字數稍多自節  
略致錄無夜抄寫精神困疲今多脫誤或字數稍多自節  
增勝入錄之理夫光止名並乞重坐以罪及勝錄所  
等入院其元蓋止名並乞重坐以罪及勝錄所

吏武同事無官員兩兩捕獲之害一辨論雖有官往往先  
令吏人點對官員細對今乞增對請之官而李供給服  
一有取索方始警其情偷一六院避對親舉人縣送別院取  
人最窄或一出考官但二十餘人止取一名其餘雖文理優  
長皆在所出考官但二十餘人止取一名其餘雖文理優  
分却歸一小院初無定制乞自今應有大院零分併歸小  
院聽取一名臣熟知其弊不敢緘默詔對請官添差二  
員餘令禮部候施行淳熙八年二月十一日詔禮  
部候省試開院日將上二十人真卷先次進入十年  
十月十六日詔禮部申嚴約束州郡文移市肆牌額不  
得輒犯廟諱十三年十二月九日詔禮部減書令史  
二人守當官一人正貼司一人以司農少卿吳興議咸  
允食下敕今所裁定故有是命

此條原夫  
在本卷第  
九頁內

法至真宗上

法至大中祥  
符八年上

宋神宗興國三年九月甲申

上御講武殿親試禮部合格進士得胡旦以下七十四人並賜及第先是  
去年去歲州已薦士選祐祿貢舉上恐場屋間有留滯者復下詔令郡國  
除三禮三傳學究外悉令今年八月並闕下及是上親試而特放焉故是  
事唯春放補至是秋試非常例也既而盡賜綵袍手版大中祥符元年臨  
禮部貢院諸科舉人雖初舉而藝業可取者與進其第上因謂王旦等令  
歲舉人願以糊名考校為懼然有藝者皆喜於盡公且諸路發解拘限條  
制憲遺才俊當稍寬之馮拯曰進士以詩賦進退不考文論且江浙舉人  
專業詞賦以取科名今歲望令於詩賦合格人內兼可策論上曰大凡文  
論可見其才識南人喜誦詩賦及就公試或援劉蕡詩主司能辨之乎旦  
曰古人警句非後進所及苟需用之無不辨也五年上親試禮部奏名進  
士於崇政殿前一日殿之廊廡分列位次著其名氏仍揭於櫺便無得移  
易內出鐫鼎象物賦天陰不可升詩以人占天論題舉即以賜官給紙起

年印題給紙自此始也

宋會要

祠部

祠部掌祠祭畫日休假令受諸州僧尼道士女冠童行之籍給剃度受戒文牒以朝官一員主判兩朝國史志祠部判司事一人以無職事朝官充凡祠祀享祭皆隸太常禮院而天文刻漏歸於司天監本司但掌祠祭畫日休假令受諸州僧尼道士女冠童行之籍給剃度受戒文牒而已今史四人元豐改置郎中員外郎始實行本司事提領度牒所附禮部郎中通行四司分業有二曰道釋凡臣僚陳乞墳寺試經放該遇聖節始賜紫衣師號諸州宮觀寺院僧尼道士童行整會甲乙十方住持教門事務僧尼去失度牒改名回禮僧道正副逮補

拘收亡殁度牒歸正換給埋瘞等陣亡恩澤陳乞比換  
紫衣師號給降出賣書填翻改空名度牒等皆屬之曰  
詳定祠祭太醫帳案凡醫官磨勘八品駐泊差遣太醫  
局生試補祠祭奏告奉安祈禱應道釋神祠加封賜額  
諸色人陳乞廟令養老侍從等除受奏舉暨人越試宰  
執初除罷政遇大禮及知州帶安撫使學士及管軍觀  
察使以上陳乞太監助教等拘催諸路僧道帳籍皆屬  
之又<sub>之</sub>有製造窠掌製造書寫勘合綾紙度牒紫衣師號  
及度牒庫官吏替上申請事又有知雜開拆司吏額主  
事一人令史二人手分九人貼司七人度牒庫隸焉太  
宗太平興兵八年八月詔曰先是祠部給僧尼牒並傳

送諸州長吏親給如聞吏緣為姦募人以緡錢市取齋  
以至外郡賣馬得善價即付與之自今所在宜奉行前  
詔違者重致其罪 淳化四年八月詔應僧人失墜無  
祠部并經策試者所在召住院僧二人保明無虛偽具  
出家來歷夾名申奏令祠部勘會出給不得發遣僧人  
上京請領若因巡禮乞翻換祠部者聽 至道二年六  
月詔祠部今後諸處牒到許為僧道者奏裁 三年六  
月詔祠部正名令吏不得揀抽往逐處 真宗咸平二  
年七月詔諸州比試童行只得將僧帳內見管人數比  
試經業具合格人數申奏不得將已開落人出剩放度  
大中祥符元年四月詔詞部手分八人遇文牒併多

日限給三十道稍稀二十道每降到奏狀及申狀僧尼道士陳狀並上厯排日行遣畫時入通如怠慢過犯牒開封府科罪其本行手分都省不得抽差二年五月詔僧尼道士身死者其紫衣師號勅牒並令知州通判批書還俗及身死年月納祠部三年七月詔祠部給僧尼道士牒將本州帳勘會注給訖本州判官押書勾鑒應僧尼遇恩澤試經中剃度童行給祠部者將帳照證亦勾鑒訖遞送逐州所給戒牒如本人將到剃度受戒六念勘會文帳印書給付八月詔今後開封府界逐年承天節試經及非時度放童行其剃度牒委祠部一依外州例封送進奏院發與開封府勾逐寺主首取



保明狀當官責領給付 十二月詔祠部給剃度牒並  
於按檢計寺院法名若干人數入接收掌 四年四月  
詔道士女冠如受偽命公憑自今許翻換祠部正牒  
五年閏十月詔宮觀行者每年依例考試未得退落具  
試業等第有無過犯聞奏 六年正月詔京兩街僧錄  
供三年造僧帳之時其住房僧不得擅立院額入帳度  
童行 十月詔祠部今後據逐處申納僧尼祠部六念  
牒驗無虛詐即與給戒牒粘縫印遞往逐處給付 天  
禧二年閏四月尚書祠部言絳州太平縣妙果院尼妙  
喜納祠部六念州悞作亡尼例抹破請翻換文牒檢會  
編敕止有失墜召保再給之條今悞抹破即未有此例

欲自今應似此類並與翻換從之 四年八月河東路  
勸農使王允明言昨降五臺山普度童行祠部牒二千  
九百七十七道給散外有三百四十道繳納緣自華嚴  
寺至代州三程隔騰潤菴若被人奪賣難便根勘欲乞  
今後五臺山祠部牒如有事故還俗逃亡身死理合追  
納祠部牒者令勾當寺務使臣書鑿毀抹訖實封齎送  
代州從之 五年二月尚書祠部言每年承天節比試  
童行並牒都進奏院遞送散給近林特等奏請在京府  
界並送開封府今後每年發放祠部並乞條貫有詔從  
之然只稱提舉發遣普度牒所有今年承天節比試童  
行欲却依自來條貫施行詔三司與祠部同定奪以聞

三司看詳每年披度給牒自來祠部承例發放別無拘  
管提舉關防今請應承天節披度等事委三司並鐵判  
勾官於本司選勾覆官前後行六人專置司與祠部手  
分同共發遣應諸處奏到文狀並批送三司委開拆司  
依發放例置歷抄上發與發遣司委本司將祠部照證  
帳按及宣勅條貫勘會合度數限半月內印押通判部  
官發放候給訖單狀到勾銷元帳候印押了具道數實  
封發與開拆司入遞赴當官點名給付其發遣祠部司  
應承受奏狀祠部並置歷抄上通押如違稽鹵莽檢舉  
施行其已受祠部沙彌受戒畢給牒亦委發遣祠部官  
管勾印發遞付並依祠部例並非時內降祠部本司預

印空名紙舊只本官書押手分將與中書填寫後降勅  
下司銷破一依舊例自來所管帳今緣照證使用慮恐  
損失不全欲據今日已前帳並從三司差人點檢如有  
損失特與放罪自天禧元年已前帳見在者般赴三司置  
庫架閣所有天禧元年已前帳即據見在道數編排於  
金耀門文書庫架閣今後並委三司承領應雕板祠部  
戒牒自今須本司官當面印造置厯拘管通轉數目經  
使副簽押印板纔印絕封押於本司官處收掌沙彌受  
戒後因巡禮到京執祠部六念赴祠部送戒牒者舊來  
直便給付今緣已有條貫轉遞對官給付自今更不得  
直給應祠部自來合行事並令與三司提舉官同共管

勾行遣如祠部闕官即提舉官一面發遣從之 四月  
十九日判三司鹽鐵勾院兼發祠部任中行言僧尼戒  
牒自來祠部不畫時給遣應使出家年深不得牒者甚  
多伏緣未降勅已前甚有未得戒牒之人望許經省陳  
狀將天禧元年已來帳照證出給其在京僧尼受戒年  
深未得牒者據狀合召住院主首保明無虛偽當面給  
牒從之 二十七日任中行又言逃亡還俗僧尼祠部  
戒牒依例燒毀者今緣本部在三司火燭不便今後欲  
只剪碎毀棄收貯充公用從之 仁宗天聖元年十月  
判三司鹽鐵勾院兼發遣祠部張及言祠部本尚書局  
只自林特起請後來遂令勾院置司發遣緣勾院是關

防錢穀之司日逐勾帳收支浩瀚其祠部管轄僧道帳籍日有生事不惟煩併兼礙點勘錢穀欲乞依舊却復都省所有主判官乞自朝廷選差關防程限並依天禧五年二月九日敕施行從之仍命祠部郎中直史館楊岵主判 十二月判祠部楊岵言按天禧五年二月九日勅條貫祠部事十條係更改外止餘六道又多載在編勅所有諸路奏狀乞依舊批送祠部承領置文厯舊例提舉關防從之三年三月三司言勘會祠部天禧元年後所請朱紅表紙逐年數目不等乞下祠部勒手分勘會每牒合使表紙若干每若干牒使朱紅一兩委當職官再行比較今後依此例入帳銷破從之 四年五

月權判祠部慎鑄言諸路納到事故僧道牒看詳偽濫  
不少只自任中行起請剪碎公用深防奸詐欲却依舊  
燒燬若殘零不用文字剪碎公用從之 嘉祐六年正  
月詔判祠部自今降勅差人理合入資序仍給添支錢  
十阡事見考功門神宗熙寧二年九月五日詔尚書祠  
部遍牒四京及諸道州府軍監今後應僧尼道士女冠  
身亡事故其元受披剃文牒戒牒等並仰逐處依舊例  
抹訖更於行空處批鑿身亡事故年月因依本州軍官  
押字用印訖具狀繳連入遞申納本部仍仰本部即時  
具交收道數年月附遞回牒本州州司候鈎銷照證其  
繳到文牒等即仰依舊詔施行 元豐二年十一月二

十六日尚書祠部年元豐元年出度僧牒九千三百六  
今年出七千九百四十二先是上欲知二年之數詔祠  
部以聞故也 五年六月十一日詔自今紫衣師名止

令尚書祠部給牒牒用綾紙被受紫衣師名者納綾紙  
錢陸百是歲十月復詔依度僧牒例用紙 六年五月  
十一日詔尚書祠部具去歲給度僧牒比元豐四年孰  
為多少以聞已而祠部以四年數比較共多五千七百  
餘道於是又詔自今給度僧牒如過每年數目即未得  
印給先具以聞 六月三日禮部言祠部給度僧牒準  
詔及遍年數即止按元豐三年六千三百九十四四年  
四千一百九十六五年九千八百九十七今取酌中之



數欲以三年為額從之 十月三日尚書禮部言祠部  
出度僧牒以六千三百六十二為額今年已溢額千五  
百五十四乞歲以一萬為率若踰數乃以聞從之 十  
二月九日尚書禮部言度僧牒已立額歲給萬今年已  
給九千一百二十七額外並來年數 七年二月七日  
門下省言度僧牒已著令每道為錢百三十千檢會勅  
變州路轉運司每道三百千以次減為一百九十千欲  
送中書省價高處別取旨從之 哲宗元祐元年四月  
二十六日三省言尚書六曹職事閑劇不等今欲減定  
員數事至簡者祠部減郎官一員從之 二年三月九  
日詔僧道身亡及還俗事故其度牒六念戒牒令所在

官司先行毀抹依舊繳申禮部本部以籍拘管置櫃盛貯每季委郎官監送於省外焚毀之 徽宗建中靖國元年八月二十三日詔曰近諸處頒降空名度牒甚多其價不一蓋是自來未曾專置收賣關防去處仰自今後應在京官私出賣空名度牒紫衣並赴提舉京城所申賣私下不得交易內給降往諸路州軍或數內有係在京出賣者准此其合行事件令本所條畫疾速聞奏十二月七日詔祠部每年額合給一萬道已降朝旨每道價錢二百二十貫文候賣到每道撥錢二十貫文送京城所可自來年今尚書祠部於歲給數內支撥九百九道與京城所充增到錢二十萬貫之數所有前降

每道撥錢二十貫送京城所指揮更不施行 大觀二  
年八月二十一日禮部尚書鄭久中等奏勘會祠部所  
管天下宮觀寺院自來別無都籍拘載名額遇有行遣  
不免旋行根尋今欲署都籍拘載先開都下次幾輔次  
諸路隨路開逐州隨州開縣鎮一一取見從初創置因  
依時代年月中間廢興更改名額及靈顯事跡所在去  
處開具成書小貼子稱天下神祠廟宇數目不少自來  
亦無都籍拘載欲乞依此施行從之 二十五日上批  
法令者政治之大本官私之所守令法出而姦生令下  
而詐起蓋官失守人玩禁也度牒之直禁不得減兼并  
權豪之家公然冒法買不如價至或高估物直以相交

易是法不足以禁而令有所不行也自今度牒除年額  
所出御前所用增不得過常數之半不如價交易其錢  
沒官已度為僧道者皆還俗由是而推之應法令之在  
天下者違犯寡矣其各遵守毋或有違仰御史臺覺察  
彈劾以聞 四年五月四日臣僚上言伏見天下僧尼  
比之舊額約增十倍不啻數十萬人嘗究其源乃緣尚  
書祠部歲出度牒幾三萬道以其歲給數多民間止直  
九十已下縉遂致游手傭隨之輩或姦惡不逞之徒皆  
得投跡於其間故冒法以干有司者曾無虛實欲乞應  
天下宮觀寺院每歲撥放試經與夫尚書祠部所出度  
牒並權住三年自大觀五年為始候年滿日並依舊詔

依奏並權三年仍依紹聖元年數應不依舊格增添撥  
放者並罷令禮部限十日開具聞奏宣和二年六月  
十七日三省樞密院言奉聖旨仰禮部遵守下項如違  
令御史臺彈奏以違御筆論尚書省互察應天下每歲  
間年撥放試經特旨等度牒紫衣師號並住五年給降  
不以名額並令住印空准此印板毀棄候及五年取旨  
雖奉御筆取索亦稱無印造應臣僚陳乞及特旨等並  
不許賜宮觀名額係德士寺院額塔院黃錄准此應官  
司庫務見管空名度牒紫衣並禮部毀抹應見官司修  
釋氏宮觀不許以龍為飾及安鴟已畢者免改應天下  
釋氏宮觀不得增置田產侵奪民利應恩澤陳乞賜度

牒者並不行應舊寺院昨以姦人妄有請改軍作德士  
宮觀可除大相國宮外却依舊為寺院額檢會第三項  
應官司庫務見管空名度牒紫衣並送禮部毀抹奉聖  
旨已降指揮內第三項官司庫務見管空名度牒紫衣  
並送禮部毀抹止為都下官司申明行下 十二月十  
二日中書省送到宣義郎權發遣福建路轉運判官公  
事柯賜奏臣竊覩廼者朝廷患度牒之弊而詔止五年  
在京官司祠部盡行毀抹可謂長慮以救一時之弊矣  
臣巡歷至福州體訪得民間初聞有此指揮深恐例皆  
毀抹遂賤價出賣止於二十餘貫繼聞止毀在京官司  
祠部州縣依舊書填其價頗增今已不下百千往往珍

歲以邀厚利增而不已必有倍之縱而不問則利下為甚而於國家未聞有補臣於去年三月二日陞對亦有劄子教陳利害蒙陛下收採若可行於今日臣再相度欲乞於書填日補納官錢一百貫蓋民間元買止於五六十貫官中輕用所得亦不過此今官中毀板住給遂使民間所收賤價祠部得以倍增其直又況所有者皆兼并豪右之家方且待價必厭其所欲然後售若不於書填日令補納官錢一百貫則是官司元給過民間祠部每道虧一百餘貫諸路州軍尚存度牒在民間者不知其幾萬存此者不知其幾萬民間度牒當令州縣拘收呈驗籍定數目並從州別給公據以換書填日照對鈎銷杜絕姦弊今價

既高尤資偽冒安能盡獲可不慮乎官司度牒亦隨處籍見其數不得減價別給公據於書填日免納官錢庶幾民間有以準平公私咸若利害灼然臣愚伏望陛下斷而行下歲入無患百萬歲終起發赴闕實有補於國用亦非損於民財又臣巡歷至邵武軍點檢得推院勘到偽造度牒百姓陳樞等偽造過一百九十三道貨賣又見禁一名陳祖孟供過買得襄陽府已獲人黃中等偽造度牒一道貨賣其黃中等見在襄陽府推勘以天下之廣其所不獲者未易以數量也蓋為無關防臣愚以謂將來印行祠部欲乞朝廷相度於後苑作織造異樣綾帛在民間所無者印造量其價以補其費兼加以



字號如舉人試卷然令州軍如遇書填並騰錄字號一  
本月終類聚申部照對鈎銷如有偽冒即行根究庶幾  
久遠可以杜絕偽造之弊奉御筆度牒價直比聞增貴  
姦人趨利偽造必多如卽武軍所勘可以察見宜令禮  
部詳度將已降度牒在州縣未下在民間未書填者隨  
處籍見其數量增價直別給公據以俟書填照對杜絕  
姦弊疾連立法取旨施行內偽造度牒印板以違制論  
官司不檢察徒二年尚書省看詳偽造度牒除造官印  
外偽度牒自合依偽印罪賞條法至於降樣造紙監視  
印給各有關防其偽造度牒印板印偽度牒及書填官  
司不檢察者理當專立嚴禁令擬修下條諸偽造度牒

印板徒二年已印者加一等

謂印成牒身而無印者並

許人告諸偽造度牒而書填官司不檢察者徒一年右  
入政和詐偽勅告獲偽造度牒印板錢一百貫印成牒  
身而無印者加五十貫石入政和賞格從之六年閏

三月二十八日尚書省言今措置僧道度牒紫衣師號  
下項一度牒紫衣師號見今權住出給比沿邊事措置  
羅本暫許開板印造雖有指揮印畢毀板尚慮無以關  
防今禮部將今來所開新式印板申納尚書省置櫃封  
鑲遇有印造具狀請降印畢限即時封記送納一應今  
日以前已給空名未曾書填度牒紫衣師號在官者限  
一季申尚書省換納在私者截自指揮到日更不行用

一偽造牒紫衣師號從未有專一法禁令後有犯並依  
詐偽制書科罪流罪配五百里徒罪配鄰州一見住給  
試經撥放等度牒紫衣師號限滿更不追給自限滿以  
後並減半給賜止係一道者全給一依敝將仕郎校尉  
綾紙體制別立度牒紫衣師號新式令禮部依此開板  
改用黃紙如法印造真楷書填奉御筆僧道度牒紫衣  
師號歲久偽冒者衆又昨因改更德士姦偽益多無以  
甄別及舊式全無體制非所以示敕命之重可依前件  
措置施行自今除應副新邊及糴買并合給予若本外  
更不取索輒陳乞支降者以違御筆論雖奉專旨並令  
禮部執奏不行 宣和七年六月二十一日禮部言宣

和二年六月十七日勅天下每歲間年撥放試經特旨  
等度牒紫衣師號並住五年給降印板毀棄候及五年  
取旨契勘今年六月十七日住給五年限滿合行取旨  
詔更展三年 高宗建炎二年五月八日詔偽造度牒  
紫衣師號並許同造及知情引領變賣人陳首與免罪  
犯依告獲給賞其照牒公據如有偽冒依條施行從禮  
部請也 十一月三日詔四字師號每道價二百貫許  
犯公私罪杖各一次聽贖內私罪仍除盜及毆擊人外  
餘德贖從禮部請也 三年四月十三日詔祠部郎官  
一員兼膳部吏人減半 八月十三日詔戶部侍郎葉  
份提領新法度牒就用見今提茶鹽印行使 先是戶東

等言偽造度牒之弊尚書省措置一偽造度牒之人雕成一板則摹印無窮兼染成黃紙便可印造今欲改用綾紙背造敝官告如法書寫本部官繫御書押空留合書填去處令禮部限一日立式中尚書省一乞令禮部依倣茶鹽鈔法如遇給降諸州軍度牒等並用簿題寫手本料例字號於綾紙後別用朱印合同降付逐路轉運同委本司官吏主行一應民間空頭未書填舊度牒紫衣師號並限今來指揮到日官吏更不得書填許赴禮部納換每道量納綾紙工費錢度牒一十貫紫衣師號五貫一檢會茶鹽法偽造文引者當行處斬許人捕賞錢三百貫文今來依新法給降度牒紫衣師號理當

嚴立法禁如有詐偽欲乞依偽造茶鹽引法施行一契  
勘今來改用新法度牒等事干財計欲委侍從官一員  
專一提領並從之 同日詔權貨務見賣度牒等於即  
今價直上添入綾紙工費錢出賣 先是提領所言度牒  
每道見賣一百一十貫今添一十貫紫衣見賣四十貫  
師號每道見賣三十五貫以上各添五貫文省故有是  
詔 十六日詔偽造度牒紫衣師號其知情貨賣牙引  
及資給之家并勘驗書填官司知而取受者並罪加一  
等若勘驗因莽致有透漏減三等贓重者自從重其知  
情貨賣牙引及資給之家如能告首即與免罪賞外仍  
依今來指揮給賞 同日詔新法度牒改用絹令戶部

應副以提領所中乞下兩浙轉運司起發年額綾應副  
使用該有是命同日戶部侍郎葉份言改用新法度牒  
令降半印合同號簿付給降路分轉運司照驗書填契  
勘其間有州軍相去轉運司隔一二千里深恐地里遙  
遠却致防阻今欲更降合同號簿一面付本路提刑司  
許令願就一處勘驗書填如翻改別路州軍者即令本  
司於度牒背後分明真謹書寫某年月日勘驗得別無  
虛偽用印官押字仍出給公據并摺角實封處牒付客  
人賣執前去所指州軍照驗書填如敢私拆並依客人  
私拆翻改茶引法斷罪仍增立賞錢作三百貫先以官  
錢代支所有逐時給付權貨務出賣度牒等亦乞令禮

部給降合同號簿就差本務使臣管押其應副隨軍度牒等及御前取索並乞開具所要路分報禮部給降詔依仍委左右司度牒背後繫御押字用本司印四印二十一日詔提舉措置新法度牒等事所合用押號簿使臣下吏部於得替待闕已未參部大小使臣內踏逐指差與免短使先次赴任具名申尚書省給降付身其請給理任券馬等並依權貨務前後已得指揮 同日詔新法度牒左右司郎官於禮部侍郎後繫銜 左右司言禮部書寫度牒左右司郎官階銜在年月後面背用印致印致印文昏透不明故有是命 二十五日詔新

法度牒號簿付逐路提刑轉運司逐處公吏敢有邀阻



取受許人告從徒二年科罪若官吏鞫驗到偽造度牒等每一火各轉一官資從業份請也 同日詔民間未書填度牒等計會州軍行用錢物妄作日前書填者許人捕依偽造度牒罪賞施行 十月十二日詔今後令諸路轉運提刑司遇有合書填度牒等專委近上職級即時書填給付如敢非理阻節已取去處並許越訴者官當竄逐嶺南人吏並配海島 十一月十日詔今後應書填新法度牒官司候書填訖當日出給公據付本人於受戒處照驗方許受戒其私下輒擅書填人欲依私拆遞牒法監徒二年罪賞錢三百貫文同日詔新法度牒如客人再行翻改往別路州軍者許令經守臣陳

狀當官拆實封遞牒驗實於公據後批鑒某州軍某年  
月日驗認別無虛偽繫銜用印押字仍別給摺角實封  
遞牒當官面付客人賁執前去所指州軍貨賣如更願  
翻改亦依此施行並從葉份請也 四年正月二十六  
日詔應僧尼道士女冠願將已書填黃白紙度牒等赴  
禮部納換者聽內度牒每道貼納工墨錢一十貫文省  
紫衣師號減半令禮部一就書填及有緣賊馬毀失度  
牒經官自陳給到公據願就禮部納換者亦令依此從  
葉份之請也 二月十八日戶部侍郎兼提領度牒葉  
份言台州通判潘因權州日書填過假偽度牒等近二  
千道許先赴壇受戒每道貼錢四十貫紫衣師號減半

今相度如應僧道等賣到已書填黃白紙度牒赴禮部  
納換若驗得係是偽造與免根究追改依前件已降指  
揮許令納貼錢書填詔從之 五月二十一日祠部員  
外郎章傑言自來牒牒以千字文為號其間字號有犯  
俗間避忌者交易之際例多退嫌至或減損價直令欲  
竊除字號共一百字從之 荒巾罪義類毀傷短悲禍惡  
終薄顛虧疲弱傾減英刑照殆辱凋饑糟糠妄悞懼恐  
惶駭駭駭鳥獸駭駭誅斬盜賊叛亡孤陋愚化戎關俗  
過改難克非陰就盡業憂去賤別切磨離退移禽駭輕  
刻因杳冥庸耻逼遣落獨捕獲寡志驚特厥倍疏寥戚  
莽晦魄矯皆以俗嫌忌故也

七月二日詔諸路僧道

尼應因盜賊散失度牒並許呂保限一季內於所在州  
軍自陳保明申部出給公據從禮部請也 八月十五  
日詔舊法未曾書填度牒並更不行使用在官者並令  
繳申禮部毀抹 同日詔提領度牒所官吏並罷官依  
省罷法度牒事並撥歸禮部 二十六日詔今後祠部  
每料作五百道據合要路分數目供申本部備申朝廷  
降黃牒下部修寫製造仍差人前來請領 同日詔今  
後遇有造成諸路度牒合同號簿每路從本部直關吏  
部限一日差小使臣一員管押依昨申請到旨揮與免  
短使其差出合破券馬等並依權貨務號簿使臣見行  
條法每及千里與減一年磨勘若關於巡幸所至州軍

差有物力使臣或銜前管押其券馬依使臣例候回日與免重難差使一次先是提領度牒所置押號簿使臣至是罷之

紹興元年三月八日詔文林郎越州觀察推官章識看驗得沙彌利珊等度牒四十九道並係偽印與咸二年磨勘比類施行 七月六日詔四川宣撫處置使司自行製造度牒出賣應副使用自今降旨樺到日住罷今後如有合應副支使去處即差使臣前來行在請降先是知樞密院事宣撫處置使張浚言恭稟聖訓便宜行事見依做朝廷給降體例臣本司製造緣紙度牒遲急支降應副贍軍使用許於川陝京西路販賣與已給度牒一衆行使謹具奏知尚書省勸會行在

見給降空名度牒係絹紙打背禮部長寺祠部郎官繫  
銜押字面用祠部印背後郎官繫銜押字用左右司印  
及隨度牒公牘用半印合同并用半印合同號簿給付  
降州軍今來宣撫措置使用製造度牒既無逐處印記  
又官員銜位并體式不同切慮民不孚信難於出賣兼  
難以覺察偽詐故有是命 十月十七日詔應諸路州  
軍官吏能用心辨驗偽造每火已經官司推勘斷遣了  
當即將元驗獲官吏比提刑轉運司推賞如人吏不願  
轉資許依貨賣牙引告首支賞仍以收到書填度牒等  
廩費錢內支給從禮部請也 本部言建炎三年八月十  
二日旨揮立刻提刑轉運司官吏辨驗偽造賞格其餘

官吏未有明文故有是命

二年四月十六日詔自紹

興二年天中節諸路州軍童行依舊法試經禮部員外郎兼祠部王居正言新法空名度牒等係依茶鹽鈔引法關防詐偽今來童行試經合給度牒係本部照奏出給填名降下元秦州軍追試中童行正身同師當官驗實給付欲更不用字號料例公據勘合號簿其空名度牒等自合依舊從之四年八月十二日詔今後應官吏能用心首先辨驗偽造新法度牒紫衣師號不獲犯人口實獲犯人例每合轉一官資只與減半年磨勘用為酬賞如人吏不願減年每減半年支賞錢三十貫文仍以收到書填度牒等糜費錢用支給從禮部請也六年

七月詔新法綾紙度牒除換給使用外其餘令後更不  
給降應童行試經並權住三年仍自今年為始其已前  
年分未給之數亦令住給 七年六月四日詔度牒應  
臣僚恩例及試經撥放并給降吏使等並依已降旨揮  
住給雖奉特旨令禮部執奏不行 閏十月二十四日  
宰執進呈權貨務出賣祠部度牒遠方不能就買欲量  
付諸路上曰如此則州縣將科敷於百姓矣趙鼎等奏  
不責以限數則無敷科之弊上曰宜嚴為約束毋使民  
受其患 十二年五月十四日詔禮部度牒自五月十  
四日以後權住給降其紫衣師號除應副軍需外餘並  
住給仍依紹興七年六月四日旨揮施行 十三年正



月十五日詔度牒並權住給降行在自今月十六日諸  
路州軍限指揮到日先已支降度牒更不出賣見在數  
拘收繳申尚書省 二十五日詔未住賣以前收買度牒  
既係未立限以前買到自令書填 十九年七月三日

上曰官不給賣度牒已十餘年訪聞多有無度牒輒披  
剃者可令禮部措置禁止稍重其罪仍許人告 二十  
四年六月二十二日禮部乞賣紫衣師號從之後殿進  
呈上曰自紹興四年江上用兵嘗措置出賣以相資助  
今可檢舉 二十五年八月二十六日詔臣僚合得紫  
衣師號恩例令有司依條還給宰執恩數除落職等拘  
礙外其合檢舉者令有司檢舉今後與免釐革 先是住

賣權傳給賜至是再行出賣故有是命

二十九年閏

六月十九日詔逐路運司每季取會諸州拘收亡僧度牒數目有無未盡覆實如有違戾即行按劾及從本部專一置籍檢察歲終將全不中繳數少去處申尚書省差監司體究因依內知通取旨施行僧道司主首綱紐從杖一百科斷還俗三十年二月一日詔今後令禮部每歲將逐路州軍見在僧道人數并給納到度牒數目開項申臺省令比類考據摘其弊之尤者取旨施行三十一年二月二十五日詔復賣度牒每道五百貫綾紙錢一十貫兩浙東西路就行在左藏庫納錢給鈔繳赴禮部書填其淮東淮西江東湖北京西路并總領所

福建二廣湖南江西路各委本路提刑司出賣如願以  
金銀依市價折筭者聽其納到錢物除三總領所各就  
本處令椿管外其餘每及一萬貫差人管押赴左藏庫  
送納椿管不得侵移借兌如違依擅支封椿錢物法加  
等斷罪 紹興三十二年孝宗即位未改元十月十九  
日戶部言諸路提刑司總領所并諸州軍見賣度牒元  
立每道價錢五百一十二貫已展限兩月每道權減作  
三百一十二貫出賣今有限滿去處欲乞再展兩月關  
報管屬州軍諸路總領所并下禮部照會從之 孝宗  
隆興二年三月十六日臣僚言戶部將未賣元降空名  
迪功郎承信郎告進武校尉綾紙令逐路運司拘收繳

納今照上件官告綾紙亦有已出賣數日至多當來州縣雖是將有力人戶勸諭承買其間有頑猾人戶多方拖延以圖幸免今既拘收復以度牒二萬道均下諸路若於已承買官告之家一例均敷則頑猾人戶委是僥倖欲乞下戶部契勘當來未曾承買之人即將今來度牒比其他合敷等第以十分為率增添立分其已曾承買官告綾紙之家其餘等第一例均敷庶得均平從之

乾道五年十二月九日詔行在及諸路給賣度牒權行住賣別聽指揮 六年正月十三日詔行在及諸路日下依舊給賣度牒每道作四百貫以見錢會子中半請買 十四日戶部尚書曾懷等言自放行度牒賣過

一十二萬餘道今稽考免丁錢比未降度牒年分止增  
叁伍萬貫顯是州縣作弊公然侵隱欲望行下諸路提  
刑司委官檢察拘收盡數入總制帳每季超發仍開具  
括責到錢數類聚一路總數保明供申戶部驅磨從之  
八年六月十二日權禮部侍郎李彥穎言廬州僧惠  
寶道隆將紫衣洗改作度牒處州僧惠京將亡僧度牒  
改作新度牒並行貨賣其可見者三十道今來皆已逃  
竄即前後所賣不知幾何以兩州觀之四方萬里如此  
類者又不知其幾亡今有司將見行條法中嚴行下仍  
戒飭州縣如有奉行不處將元失拘收去處令佐當職  
官重行責罰典押人吏等一例斷勒如人吏有賣受過

錢物入已計贓論乃立板榜寺觀庵院約束施行從之  
同日中書門下省言僧道身亡不繳納度牒等冒犯  
之弊已約束申嚴外詔諸路提刑分差官前去管下州  
縣限一月根括盡絕繳納禮部仍具已括納數目申尚  
書省

續宋會要

淳熙四年四月六日詔禮部行下州軍將日前未繳度  
牒師號盡數依條限繳納如隱漏不實科罪專委提刑  
司覺察月具繳過數目申尚書省 十月二日詔應給  
降度牒每道作四百五十貫文錢會平之 既而臣僚言  
舊法每道價錢五百貫乾道六年正月十三日指揮減

作四百貫緣此富豪之家曹先請買增價出賣有至五百貫以上者乞稍復舊價故有是命十二月二日詔禮部改道紫衣師號式樣紫衣并二字四字師號綾紙面上改織造梔子花各十二朵內紫衣綾紙面上織造文思院制敕紫衣綾八字其二字四字師號綾紙面上織造文思院制敕師號綾八字仍織字在綾上應官司支使不盡見行樁管師號并將來繳到日下委長貳監視焚毀先是四川制置使范成大言蜀中一度牒賣錢引七百一十道一紫衣止賣錢引六七十道少老三十四道小人貪十倍之利又不費織作止是增改數字以冒法為之當令省部措置止將上件四川逐司見在綾紙

放紙背批鑿給散年月及用印記并置合同號簿勘同  
等以為關防既而成大人為禮部尚書復中前請故有  
命五年六月十四日詔四川總領所出賣度牒每道減  
作川錢引八百道以四川總領所言本所度牒昨承指  
揮每道增作銅錢四百貫細折川錢引七百一十七道  
近又承指揮每道銅錢增作四百五十貫細折川錢引  
九百道緣此無人承買乞免增添故減之 六年十月  
二十八日知温州胡與可獲到劉端等偽造度九道乞  
賜施行上曰可令胡與可速疾根勘具案聞奏令江浙  
福建路州軍多出文檣曉諭如僧道有收買到劉端等  
偽造度牒自指揮到限兩月經所在官司陳首與免科



罪仍令戶部禮部照應紹興十二年獲楊真度牒體例  
貼錢換給如出限不首許人告依條斷罪繳到度牒令  
禮部長貳焚毀九年五月二日詔禮部給降度牒一  
千道就南庫出賣每道五百貫賣到錢銀會子並於本  
庫椿管以臣僚言州軍繳到亡僧度牒並未曾對數換  
給故有是詔十月六日詔禮部遍牒諸州軍守臣并  
通簽判各將已拘收事故僧道度牒師號並日下繳申  
毋致隱匿既而十三年三月二十三日臣僚言伏覩累  
降聖旨指揮拘收事故僧道度牒緣官吏奉行不虔遂  
致因循隱匿或洗改轉賣或承代詭名獎侍至多今將  
逐處見管僧道數目以逐年繳到事故度牒寫成冊進

呈其所管數多而所繳數少或累年並不中繳者即乞  
付外指署根究施行詔令禮部將中繳數多去處照會  
因依聞奏仍催促各將已拘收到見管度牒依數發納  
既而臣僚復論乞措置詔令禮部遍牒諸路州軍守臣  
簽判遇有事故僧道度牒師號並即將盡數拘收繳中  
尚書省專委提刑司覺察所部州軍奉行減制按刻施  
行十三年十二月九日詔祠部減令史一人守當官  
三人楷書二人以司農少卿吳燠議減冗食下敕令所  
裁定故有是命慶元四年五月十七日詔今後僧道  
毀失度牒從條限十日就本路提刑司投詞下所屬州  
縣召本色二人仍元受業寺觀法眷二人網維主首委

保如本寺觀無僧道即僧道正司保明元牒有無批鑿  
過犯中提刑司令召左選官一員甘朝典狀批書印紙  
及上等戶三名結罪委保從所在州軍具去失之因再  
加保明申提刑司申禮部勘驗出給公據州軍不得擅  
給以濠州申有偽為雲遊詐言去失或水火焚棄所在  
州軍但據僧司材保所供出給公據圖謀住持誅誘良  
民錢物下禮部看詳故有是命嘉定二年五月八日臣  
僚言國家所以紓用度者僧牒與鬻爵耳鬻爵之冗濫  
臣未暇深攷竊見儀曹案牘有光州衢州寧國府申童  
行張宗德等買到度牒並係假偽本部各已勘驗假偽  
分明節次行下逐處根究今踰半年未見申到朝廷近

日嚴偽會之禁而未知姦民偽造度牒利害尤大幸而  
事發復悠悠若此姦民何所憚而不為哉欲令禮部牒  
各州立限追捕具案申朝廷嚴與施行其偽織造文思  
院綾偽雕尚書省印偽為官吏書押者皆當坐以重避  
官吏士庶能捕獲全大者白身則與補官選人則與改  
秩京官則比附酬賞凡官吏僧道能審驗舉覺者重賞  
酬之其有容隱不舉覺而發於他處者亦重寘之罰仍  
令吏部與敕令所忝定條法行下諸路州郡書之粉壁  
庶幾姦人知無所遁不敢輕犯典憲從之

## 度牒庫

高宗建炎四年正月二十三日詔度牒庫印以禮部度牒庫印以六字為文 八月二十六日詔文思院打背度牒紫衣師號官吏專置一司管辦可罷監官一員預發遣歸本院手分二人減一名工匠五人減三人合存留手分工匠欲並撥歸度牒庫今監官兼行主管 同日詔度牒庫專副庫子四人並存留抄寫人一名減罷同日詔度牒庫監官一員今後遇闕申朝廷差填先朝有是命紹興十八年十一月二十五日詔度牒庫巡防兵士一十人元係臨安府差撥改於步軍司依立定人數差破從本庫請也 三十一年五月二十九日詔度牒庫依舊拘收元減罷雕字匠一名與日支食錢外

所有打背裁剪碾呀匠更不恣置過造作即行扣雇支  
食錢 同日詔度牒庫料次錢每料支錢二百五十貫  
文令戶部先次空審直下左藏庫限日下支給應副使  
用續行審會 同日詔度牒庫上下半年造限送比部  
驅磨庫子依舊以二人為額 同日詔度牒庫復造度  
牒其專知官等各添支別給食錢一季於本庫料錢內  
支給上厯除破候住給降日住支專知官手分每名各  
二百文庫子工匠每名  
一百文巡防軍兵每名  
二百文孝宗隆興元年五月一日  
詔隨龍武翼郎張玘特添差監度牒庫理任請給等並  
依正官例支破 乾道六年二月二十日禮部言見管  
度牒數少得旨製造一萬道準備支用尋行下度牒庫

勘會合用綾三百四十四匹自今本庫見在綾紙數少  
乞下工部責限文思院織造合行收買紙劄朱紅麵炭  
物料並顧工食錢若干下戶部取會行移必致淹緩乞  
戶部先次作空審支降施行從之

續會要

度牒庫

淳熙十年九月八日度牒庫言元降指揮常橋管度牒  
一萬一千道今來節次支取止管一千九百六十一道  
乞賜指揮施行詔禮部將前項已支用度牒並照元降  
指揮補造圓備依數橋管十三年七月二十一日度  
牒庫言元降指揮常橋管度牒一萬四千道今來節次  
支取止管六百六十七道詔禮部將前項已支用度牒

並依數補造橋管 十二月九日詔度牒庫減兵部士  
二人以司農少卿吳煥議減冗食 淳熙十六年九月十  
九日度牒庫言本庫橋管度牒一萬四千道節次支降  
過八千二百一十三道見管二千一百八十七道合行  
製造補還橋管元數詔禮部將前項已支用度牒並依  
數補造橋管餘照應節次已降指揮施行 紹熙三年  
閏二月三日中書門下省言亡僧道度牒近年申繳數  
少顯有弊倖詔禮部鏤板遍牒諸路州軍守臣通簽到  
將事故僧道度牒常切括責拘收逐旋據數申繳毋容  
隱匿洗改作契如州軍奉行減裂致有前項弊倖即提  
刑司覺察具名以聞



宋會要

膳部

兩朝國史志膳部判司事一人以無職事朝官充凡供

御之膳羞內外饗餼隸御厨以他官勾當後廟牲豆酒膳諸司供奉口味親王以下常食料皆分領他司無所掌令史二人元豐改制郎中員外郎始實行本司事禮部郎官通行分掌有二曰祠祭生料知雜掌祠祭奏告牲牢禮料計度諸色食料及供賜冰并御厨官吏到罷人兵開收應于申請事件及諸集文書曰宴設館客供進給賜掌宴設賜宴設酒食菓實人使到闕及聖節齋筵入殿檢察酒菓實味及大金諸蕃國使人排辦供筵酒食茶菓及造乳酪供進酒食收藏水段及牛羊司翰林司官吏到署人兵開收應申請事件吏額主事一人令史一人手分三人貼司一人御厨翰林司牛羊司隸

馬神宗正史職官志膳部郎中員外郎叅掌供進酒膳  
祠祭牲牢禮料凡本司所治之事宴饗筵設則同光祿  
寺官察視其善否酒成則嘗而後敢進藏冰供賜則頒  
其禁令應所用物皆前期計度以關度支分案七設吏  
九 哲宗紹聖元年八月八日詔主客膳部互置郎官  
一員兼領 三年五月二十三日詔御膳添監官并令  
入內省差使臣管勾常膳杖等輒開合見御膳者加役  
流其諸局工匠所造御膳滋味不和及諸不如法三犯  
決替 高宗建炎三年四月十三日詔祠部郎官一員  
兼膳部同日詔膳吏部人減半 紹興八年七月十八  
日禮部言見今牛羊司宰供御膳羊每日一口供應每

月收四十口為額內一十口充泛索使用天章閣祖宗  
神御每月酌獻羊以一十七口為額緣各有剩數不住  
據牛羊司申乞將償剩數目充以後使用令所買州軍  
權住收買候將欲支供盡絕即依已降指揮行下元買  
州軍收買應副申部申明朝廷等降指揮顯是紊煩本  
部相度今後牛羊司遇有償剩羊口數目令本司具確  
的數目申省部審驗詣實即行撥充別項使用及遇有  
講筵非泛等合用羊口數內有剩數亦令本司申明省  
部改撥充數使用從之 十二年八月十七日詔供進  
皇太后每日常膳并生料每月實計用羊九十口及節  
料節序添供每年實計用一十八口欲令兩浙轉運司

收買赴牛羊司交納宰供所有闕少事件等依例下臨  
安府市令司取索 孝宗乾道四年三月二十日詔膳  
部將御厨逃走工匠庫院子等并往他處割移名粮應  
逃走之人不以已未出違年限並違百日内許令出首  
特與免罪仍舊收管一次合得諸般請給從本厨闕報  
粮審院不候省寺經由先次放行如續次會問有不該  
錢物依條回尅入官 六年五月二十四日詔天申聖  
節齋筵膳部驗察官吏並不支破御厨喫食今後准此  
七月十九日詔御厨權以四百人為額令招收數額  
今從遇闕招填據到人數赴膳部刺填 九年七月八  
日詔今後遇祈禱禁屠宰御厨早晚並進素膳

續宋會要

膳部

淳熙三年十月十一日詔自今遇祈禱禁屠宰其皇后  
閣膳隨御膳進素 十三年十二月九日詔膳部減守  
當官一人以司農少卿吳煥議減冗食下教令所裁定  
故有是命 大興卷一百四十五

宋會要 主客部

兩朝國史志主客判司事一人以無職事朝官充凡諸蕃朝聘貢奉隸客省本司無所掌令史一人驅使官一人元豐改制郎中員外郎始實行本司事禮部郎官通行設案有一曰知雜封襲朝貢案掌諸蕃國入貢并每年頒賜交趾國<sub>曆</sub>日反勘會<sub>曆</sub>柴<sub>氏</sub>襲封事吏額主事一人本部人吏兼令史一人手分二人貼司二人神宗正史職官志主客郎中員外郎參掌諸蕃國朝貢凡本司所治之所事契丹國遣使朝賀應接送館伴官所用儀物皆預令有司為之辦具高麗亞契丹其餘蕃國則按其等差以式給之至則圖其形像書其山川風俗

大興卷二萬  
二千三百九文  
泰二萬四千  
六百五十五

若有封爵禮命之事則承詔頒付高慶懿陵祭享崇儀  
公承襲率主行之分案四設吏七 哲宗元祐元年四  
月二十六日三省言尚書六曹職事閑劇不等除已減  
定員事數至簡以主客兼膳部從之 六年七月十二  
日兵部言兵部格掌蕃夷官授官主客令蕃國進奉人  
陳乞轉授官職者取裁即舊應除轉官者報所屬看詳  
主客止合掌行蕃國進奉陳乞其應緣進奉人陳乞授  
官盡合歸兵部若舊來無例創有陳乞皆令主客取裁  
誠恐化外進奉陳乞授官事體曹部執掌未一久遠互  
失參驗欲自今不以曾未入貢及有例無例應緣進奉  
人陳乞授官如思並令主客關報兵部從之 紹聖元



年八月八日詔主客膳部互置郎官一員兼領 高宗  
建炎三年四月十五日詔禮部郎官一員兼主客 同  
日詔主客吏人減半 孝宗乾道九年十一月三日詔  
今來交趾進奉人到闕特差識字巡視親事官四人在  
驛幾察事務今後諸蕃人貢依此